

HISTOR ADMIRABL

DEMEUS

AR BOUDEDEO

Pehini, abaoue maro hor Zalver, ne ra nemet bale nos ha deiz ac'hann da fin ar bed, abalanour d'an effronteri an devoa bet en andret hor Zalver Jesus-Christ, pehini, pa vao o vont d'ar maro a falzevas dezan disquiza var e stal, hac e teuas d'en rebuti evel eur scelerat.

Var ton : **Guerz Santez Anna.**

Asistantet enorabl, tostañ da glêvet
Ar vuez pitoyapla a voe biscoas ar bed ;
An histor zo truezus demeus ar Boudedeo.
A zo nôs-deiz o vale aboe hor Zalve maro.

Eus a tribu Nephtali, a guêr Jerusalem.
Voa ganet Absarius, carguet a anathem ;
Dont a ras ar bed-ma en amzer Herodes,
A felveas massacri Jesus, Mab ar Verc'hez

Va zad a voa ur c'halve, va mam keme nerez,
Hac a laboure en Templ da ober broderez ;
Ha va c'herent am desqas da leun leor al lezen,
Hac hini ar Brofetet ivez a dra certain.

Goude e voen demeet gant va c'herent afin,
Da eur vreg fur a prudant a tribu Benjamin,
A bini'm boe tri buguel en amzer ma teuas
Autrou Sant Yan Badezour d'annonç ar Messias.

Sant Yan a gonaertissas calz eus ar bayanet
Pere voa idolatret, caledet er pec'het :
Dec mil den en eun devez en deveus badeet,
Me, va greg, va bugale e voamp bet o velet.

Va greg a lavaras din : va fried emezi,
Lekomb en em vadezi, enont è ar Messi ;
Ha me o respont dezi gent un ear direspèct :
Na ni nac hor bugale ne vimp qet badeet.

Aben eun nebeut goude Sant Yan voe dibennet
Dre urz roue Herodes, eun den cruel meurbet,
Ha ma teuas hor Zalver evit rên en e blaç ;
Hac a ras dre ar c'hanton calza viraclou bras.

Clêvet e meus bet Jesus alies o sermon,
Hep ne meus bet profitet eus e bredication ;
Va-unan e voa pressant p'en doa rassaziet
Dec mil den gant bemb bara ha goudeze pesquet.

Me Boudedeo maleürus a velas c'hoas souden
Jésus o ressuscita Lazar, breur Madalen,
Ha güelet dibossedi calz a dud possedet,
Ha sivoas din pec'her bras, ne meus tam profitet.

Aben eun nebeut goude voe Jesus kemeret
Gant calz eus a judevien er jardin Olivet,
Ha condaonet gant Pilat da rancout da zouguen
Ar groas ponner ha mezus evit ar bec'herien.

Pa voe ar groas achuet, hor Zalver voe samet,
Da vont da venet Calvar de vea crucifiet :
O velet an dud o redeç, me guemer va buguel,
Ha me mont da dal an nôr pa yê en da vervel.

Cetu Jesus o tremen neuze abiou va zi,
Pehini en tal va stal a deu da reposi,
Ha me lavarar dean gant eur gomz arrogant
Qê alesse eus va stal, te zo eun den mechant.

Ganes on dizenoret gant da ifronteri.
Pa quêlân o reposi amân e tal va zi ;
Querz alesse, den ingrat, cos sorcer milliguet,
Querz alesse d'ar maro, pe c'heus he meritet.

Jesus a resbontas din gant eur voez truezus :
Mont a ran da hartia, den fall, den maleürus,
Me reposo gant va Zad, te valeo bepret
Dre bôvar c'horn ar bed-mâ ac'han da fin ar bed.

Ia, te veleo, ac'han d'ar jujamant,
Hac er c'hoste deo d'am Zad am velo suramaant
O varni ar bec'herien pere voa condaonet
Da vont d'ar flamou gries, ar re just d'ar joaütet.

Pa glêvis comzou Jesus, va c'halon voa touchet,
Ha me rêi vo bugale eun istant d'am pried,
Ma velis ar Veronic o sec'hi bisach Jesus.
Ha chom en he mouchouer e boltret truezus.

He ellout n'em arrêti e heuilis hor Zaluer.
Hac e velis va Jesus ha calz graguez santel :
Ar bourrevien d'ar Verc'hez o devez lavaret :
Cetu amâ an tachou ma vo ho Mab staguet.

P'am boe guelet hor Zalver o vervel var ar groas
E creiz etre an daou laer c'arguet a boanniou bras,
Ha me commañc va beach gant calz eus a anqen,
O tont da laret adieu da guær Jeusalem.

Sonjit eta, Bretonnet, peguement a c'hlaç'har
En deus ar Boudedeo bremañ var an douar !
Rancout quittat e gartier, e vreg, e vugale,
Hep qimiadi diouto, evit atao bale.

Pa en devoe baleet eun nomb a vlaveziou,
Ec'êruas en Ejipt, pel bras demeus e vro,
Eno e mâ ar Mor-Rus, elec'h m'oe tremenet
Moyses gant pobl Doue, hep cavout drouc ebet.

Mont a ris eus ac'hane da enezen Candi,
Elec'h emedi en noas an dud a zo enni :
Eno e velis eun tad o trec'hi a damou
E verc'h evit sacrifici da rêi d'o doueou.

Mont a ris da Malhodo, e pelec'h eus tud drol,
Pere a ador Doue hac an diaoulou oll ;
Pedi reont Doue da gaout prosperite,
Hac an diaoul a bedont ne rañ qet drouc dêze.

Gûelet e meus er Japon ur vam meurbet cruel,
Aini'deusas da laza, sivaas, e daou buguel.
Er vro-ze è permettet laza ar bugale.
Pa n'o deus quet a vara da rêi dêze.

Goude'qemeris an hent da vont d'an Enezi,
D'an Americ, d'an Asi, ha neuze d'an Turki
Ar graguez eus var vro-se a vale d'an arme,
Hac an ezac'h o deus soign demeus ar vugale.

Eno emedi ar c'his da laza ar botret,
Nemet unan dre famill ne ve james miret.
Be'o deus eur rouanez a ro commandamant
Da laza an oll botret, hep cahout de nep damant.

Er guær-eus a Garniol eus sur c'his drol meurbet
Rac Eno an dud yaouanc, pa vezont eureujet,
E ranco ar vreg ynouanc, nos quenta e heured,
Mont da gousquet gant ar prinç, vit bea enoret.

Bet on ebars eur c'hoad hanvet Cisaria,
Elec'h ma eller bale cant leo d'an neubeuta
Hep cavet dour da eva, na feunteun, na rivier,
Ar pez zo goal incomod da oll dud ar c'hartier.

Monet a pis c'hoas pelloc'h, d'ar guær a Vosopa
Pini zo eus he divoal eur prinç eus an drola :
Ur vanden chaç a merc'het en deus evit gardou,
Ha n'en deus qen sourdadet evit difen e vro.

Ac'hane'yis da eur guær zo hanvet Estopet,
Elec'h ma zeus serpentet ha loene vil meurbet
Zo qer teo ha corf un den sur ma vent muzuret
O devez d'an nebeuta daou-ugent troated het

Et spaç demeus a gant vloas ez on bet o vale,
Ha me eruout adare em bro hac em c'hontre ;
Allas ! maro voa va greg coulz ha va bugale,
Ha den ebet eus va bro certen n'am anavee.

Neuze e teuis de Rom, ebars en Itali,
En amzer-ze e voa calz eus a c'hlaç'har enni ;
Gûelet'ris marzeria nombr bras a gristenien,
En defot ne renoncent d'o feiz ha do lezen.

Me a vale ar mor coulz ha var an douar,
Ha me partiel neuze evit ar Fraaç, bro rar ?
E Marseille, Bourdel, Paris, Niort, Naonet, Lyon
Arch'ane da Vreiz-Izel, d'ar guær vrao a Roazon.

Guelet e meus Montroulez ne voa nemet eur c'hoad
Ha guelet Brest ha Qemper ebars hac an Naonet,
Ha guelet ar gær a Is en e frosperite,
Hac ar gær a Lexovi a meus guelet ive.

Guelet e meus Breiz-Izel en coad ha meneziou,
Ma zoat evel sovajet neuze ebars er vro ;
Me a vel calz a guæriou er vro-se batisset,
A ra calz a chenchamant abaoe ma zon bet.

Me vel ar guær a Roazon eur guær gær batisset
Dol, Guenet a San Malo, Dinan hac an Naonet,
Sant-Briec ha Landreguer, Lanion, Montroulez,
Castel-Pol ha Lesneven ha Landerne ivez.

Ar c'hæriou ze meus guelet e coad hac e prajou
Pa deuis d'ober va veach quenta ebars er vro ;
Cetu batisset Qemper, ha Brest ha Recouvranç,
Qemperie, Moelan, Kerahes ebars en assuranc.

Anfin, ra on condaonet gant Doue da vale,
Me zo bet en em gavet e creiz meur a arme ;
Canoliou a fusiliou, clezeou, sabrennou,
Netraa ne de-bet capabl de rei din ar maro.

Bet on ebars en listri a zo bet perisset,
Hac an dud a voa enne a meus guelet beuzet,
Ha me hanvet Boudedeo n'em bije drouc ebet
Comzou Doue a ranco bea accomplisset.

Condaonet e zan ganta da chom var an douar ;
Comprenit oll christenien, ema zo din glaç'har !
Va zourmanchou er bed-ma biqen na echuo
Qen a deui Doue da varn ar beo hac ar maro.

Ar som eus a bemp goennec so em godel bepret
James ganet nep seurt clenvet me ne don attaqet
Bet on ebars en broyou elec'h m'oa ar vocen.
Hep na zeus staguet ouzin na clenvet nac anquen.

Va boutou na va dillat james na uzont qet,
Dre bermission Doue a meus bet offancet ;
Peder guec'h a meus redet pevar horn ar bed-ma,
Ha guelet e meus ive calz chenchamant enna.

Brema e zon commancet da redec a bempet,
Hep ne don ambarasset gant dibri na cousquet ;
Guelet a meus bet broyou zo bett oll revinet
Ha calz demeus a guærou gan ar gurun devet.

Ne meus quet calz amzer evit chom da barlant
Me a gred e ma va zreid vargore glaou ardent,
Nan, ne zeus nemet Doue a elfe discleria
Ar boanniou bras a souffran qerqent ma reposan.

Pebes maleur e din-me bea bet rebutet
Demeus a guichen va stal Jesus Salver ar bet
Pa voa o vont d'ar maro, da zont da zisquiza
Ha me neuze dre valeur a zeus d'e zispriza.

Ema e ar maleur bras a meus var ar bet-ma !
Emon atao o vale ouспен trivarc'h oant vla,
Ha c'hoas e ranqan bale ac'hane da fin ar bed :
Hedit Doue evidon, ma zin d'ar joaûstet.

FIN.